

Bibel fa Kjinja

brinjt junt



Een Leida
vom Tempel
besieekjt
Jesus




Jeschräwen von: Edward Hughes
Jemolt von: Byron Unger un Lazarus
Toom Pauss jestalt von: M. Maillot un Sarah S.
Äwasat von: Ed Zacharias
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2011 Bible for Children, Inc.
Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.




Een Dach aus Jesus nom Tempel jinkj funk
hee Lied, dee en Gott sien Hus schlaichtet
deeden. See vekoften Tieren un tuschten
Jelt krakjt em Tempel.



Jesus muak sikj eene Wipp von Benja un juach de
Hendla utem Tempel. "Rut met daut!" säd hee.
"Moakt mien Voda sien Hus nich een Jeschaft."
Hee jleicht sien Voda sien Hus.





De Leida
velangden een
Tieekjen von
Jesus, daut hee
daut Rajcht haud
dän Tempel rein to
moaken. "Bräakjt
disen Tempel dol,
un ekj woa däm en
dree Doag oppbuen."
Ommäajlich! De
Tempel haud 46
Joa jenomen.




Oba Jesus meend sien
Kjarpa. Gott wont em
Tempel un en am. Hee
wist hee wudd aum
Kjriez stoawen un
dan en dree Doag
oppstonen.



Eene Nacht kjeem
een Tempel Leida
Jesus besieekjen.

Hee wist daut
Jesus von Gott wia
wäajen de Wunda.
Nikodemus kjeem
no Jesus toom mea
von Gott lieren.





Jesus säd Nikodemus
daut een Mensch must
vom nieen jebuaren
sennen toom en Gott
sien Rikj komen.
Nikodemus vestunt
nich woo een
Mensch kunn een
Bäbe woaren. Un
hee wia kjoakjsch.
Wia daut nich
jenuach?





Jesus säd,
"Waut vom
Jeist jebuaren
es, es Jeist.
Gott sien Jeist
es soo aus de
Wint. Eena sitt
däm nich un
vesteit däm
nich; wie seenen
bloos waut een
Wint deit."







Jesus holp Nikodemus aun de Israeliten
denkjen, dee lang trigj to Moses grunsten:
"Jeff ons to äten un drinkjen. Wie gleichen
daut Broot daut Gott jeft nich."





De Menschen ääre Sind
muak Gott doll. Hee schekjt
fieeje Schlangen mank an.
Dee beeten an. Väle
storwen doavon.




Dan säden de Menschen,
"Wie haben jesindicht.
Bäd däm Harn daut hee
de Schlangen wajchnemt."
Moses bäd fa an, oba Gott
neem de Schlangen
nich wajch.



Gott säd Moses hee sull eene fieeje Schlang moaken un opp een Pol saten. "Wan wää jebäten es un no de Schlang oppem Pol kjikjt, woat läwen," vespruak Gott. Moses muak eene bronsne Schlang, un wää doano kjikjt wort jesunt.





Jesus säd Nikodemus daut
de Menschen Sän must
oppjehowen, soo aus
de bronsne Schlang.
Jesus meend daut
Kjriez wua hee
fa Sinda storf.



Jesus säd,

"Gott siene Leew fa dise
Welt es soo groot, daut hee
sienen eensjen Sän jeef,
daut aul dee, dee aun
am jleewen, nich
veloaren gonen,
oba daut eewje
Läwen haben."






Dit meent, daut dee waa
aun Jesus jleeft es en
Gott siene Famielje
nenjebuaren.



Nikodemus es veleicht nich en dee Nacht Jesus sien
Jinja jeworden; oba Joaren lota weess Nikodemus
daut hee am goot wia un aun
am jleewd, aus hee dän
Jekjriezichten holp
begrowen.



No daut jinjen Jesus un siene Jinja nom Nuaden.
Aundre Menschen sullen von Gott sien Rikj
hieren, un aun Jesus von Nazaret, Gott
sien Sän, jleewen.



Een Leida vom Tempel besieekjt Jesus


Eene Jeschicht von en daut Wuat Gottes,
de Bibel

finjt eena en

Johanes 2-3, 4. Mose 21

"Wan dien Wuat openboat woat,
jeft daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

